



Concello de Vigo

Secretaría de Goberno Local
Expte 818/1102

RESOLUCIÓN

REAPERTURA AUDITORIO “MAR DE VIGO”, ESPAZOS CONCELLERÍA XUVENTUDE

Con data 11 de marzo do 2020 a Organización Mundial da Saúde (OMS) declarou o brote de SARS-CoV 2 como pandemia. Por Resolución desta Alcaldía de data 12 de marzo de 2020 acordouse a creación dun Comité de Seguimento de evolución do COVID-19, coa finalidade de analizar a situación e propoñer a implementación das medidas que se estimasen necesarias.

Por Resolución desta Alcaldía de data 12.03.2020, traladáronse ao ámbito territorial do Concello de Vigo as medidas de suspensión de usos e actividades decretados polo Goberno de España e relacionáronse no seu Anexo I as instalacións pechadas ao público, nas que se inclúe, entre outras, o Auditorio Mar de Vigo e as instalacións: Pavillón de Coia, Ludotecas nas sedes de APAMP, CRAC Coruxo e AVDC de Lavadores e Centro de usos múltiples Vigosónico, dependentes da Concellería de Xuventude. A continuidade do peche acordouse por Resolucións desta Alcaldía de datas 14.03.2020 ao abeiro do establecido no Acordo do Consello da Xunta de Galicia de data 13 de marzo de 2020, en substitución do disposto no apartado quinto da Resolución desta Alcaldía de data 13 de marzo de 2020, relativa á ampliación do primeiro paquete de medidas polo COVID-19, e de data 15.03.20 de continuar o peche das instalacións e actividades acordados por resolucións previas desta Alcaldía, ao abeiro do establecido no Acordo do Consello da Xunta de Galicia de data 13 de marzo de 2020 e do Real Decreto 463/2020, de 14 de marzo, polo que se declara o estado de alarma para a xestión da situación de crise sanitaria ocasionada polo COVID-19.

Visto o informe de data 03/07/2020, asinado pola xefa da Área de Xestión Patrimonial e Territorial e polo xefe do servizo de Promoción e Xestión Cultural, conformado pola Concelleira-Delegada da Área de Contratación, Patrimonio e Xestión Municipal e polo Concelleiro-Delegado de Cultura, Emprego e Participación Cidadá, así como informe do 03/07/2020 da xefa do servizo de Xuventude, conformado polo Concelleiro-Delegado de Área de Educación e Xuventude, parece aconsellable dar conta, unha vez expirada a vixencia do estado de alarma, do desenvolvemento da actividade do Auditorio Mar de Vigo, así como avanzar na reapertura das instalacións municipais do Pavillón de Coia, Ludotecas nas sedes de APAMP, CRAC Coruxo e AVDC de Lavadores e Centro de usos múltiples Vigosónico, dependentes da Concellería de Xuventude, coas normas de uso axeitadas para o cumprimento das debidas condicións sanitarias.

No exercicio das competencias que a normativa vixente en materia de réxime local lle confire a esta Alcaldía-Presidencia en canto á dirección da política, o goberno e a administración municipal, así como o establecemento das directrices xerais da acción de goberno municipal e o aseguramento da súa continuidade, contidas no artigo 124.4.a) e c), respectivamente, da Lei 7/1985, de 2 de abril, Reguladora das Bases do Réxime Local, e Lei 5/1997, do 22 de xullo, de Administración Local de Galicia, de conformidade coas medidas previamente adoptadas por esta Alcaldía no marco do seguimento da situación:

RESOLVO:

Primeiro.- Modificar as Resolucións previas desta Alcaldía, de 12, 14 e 15 de marzo no relativo ao peche total de distintas instalacións municipais e dar conta de que, expirada a vixencia do estado de alarma, o **Auditorio Mar de Vigo** desenvolve a súa actividade nos termos determinados na



Copia do documento - Concello de Vigo

Data impresión: 08/07/2020 07:45

Páxina 1 de 2

Expediente 818/1102

CSV: 23E5E5-ECCBCD-B1D1A9-N681ME-VZCUPT-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



Concello de Vigo

normativa reguladora das medidas de prevención, contención e coordinación para facer fronte á crise sanitaria ocasionada polo COVID-19, e segundo informe de data 03/07/2020, asinado pola xefa da Área de Xestión Patrimonial e Territorial e polo xefe do servizo de Promoción e Xestión Cultural, conformado pola Concelleira-Delegada da Área de Contratación, Patrimonio e Xestión Municipal e polo Concelleiro-Delegado de Cultura, Emprego e Participación Cidadá.

Segundo.- Modificar as Resolucións previas desta Alcaldía, de 12, 14 e 15 de marzo no relativo ao peche total das instalacións: Pavillón de Coia, Ludotecas nas sedes de APAMP, CRAC Coruxo e AVDC de Lavadores e Centro de usos múltiples Vigosónico, dependentes da Concellería de Xuventude, de conformidade coa Orde SND/399/2020, do 9 de maio, a Orde SND/414/2020, de 16 de maio e Orde SND/458/2020, de 30 de mayo. A reapertura destas instalacións efectuarase a partires do día **07 de xullo de 2020**, segundo proposta do 03/07/2020 da xefa do Servizo de Xuventude do Concello de Vigo, conformada polo Concelleiro Delegado de Educación e Xuventude.

Terceiro.- Notificar a presente Resolución á Concellería Delegada de Contratación, Patrimonio e Xestión Municipal, Concellería-Delegada de Cultura, Emprego e Participación Cidadá e Concellería Delegada de Educación e Xuventude, para o seu coñecemento e execución.

Cuarto.- Dar publicidade deste acordo mediante todos os medios internos e externos dispoñibles, procurando a máxima difusión á cidadanía.

CCA/rs

O ALCALDE-PRESIDENTE- ABEL CABALLERO ÁLVAREZ.

Dou fe. A SECRETARIA DO GOBERNO LOCAL-Mª CONCEPCIÓN CAMPOS ACUÑA



Copia do documento - Concello de Vigo

Data impresión: 08/07/2020 07:45

Páxina 2 de 2

Expediente 818/1102

CSV: 23E5E5-ECCBCD-B1D1A9-N681ME-VZCUPT-H1

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>